

\id 1TI

\c 3

\s Nuik: Wali duo yap go wengkabui so lemoy genang

\r 1 Timotius 3:1-7

\p

\v 1 Yang! Sedue kabung lo ngge kalik pu go nebut, seni solo: “Sedue klaya-klaya, Wali Duo-yap go wengkabui so duduen go ngga, seni ey go kebalu so duduen go gemang!”

\v 2 Ngganemot sogo so, blong duo-yap go wengkabui so lemoy genang, nemot go wali suey so se! Nemot go senun, klaya seguong so se! Saysuk yay don ey susuing go, senong kalong ey, nemot go yap ba nogo sedue kabung degut-pung so se, nggano, sedue kabung meno mea ngunguok dali.

\v 3 Nggano, bu don ey go kua dedrop. Ple sagui nemu-a ya kua susuing.

\v 4 Nemot, yap tenglam wengkabui suey go, denun-danonngang suey so ngunguok, nggano, nemotnang logo suali ey ta ey suey so se kokong!

\p

\v 5 Nemot go yap-tenglam suey so ta kua mlak go. Sogo kalik so, blong duo-yap (Ki Wali blung), wali tap logo ya wawi go klong?

\v 6 Nggano, maning demening keng go sedue, bu demening degut go sedue wengkabui sogo ya kua lemoy dali. Ngga tang so nemot go dabui no ta tegue go tang so, maso go tap sono keda so degut dali ey go.

\v 7 No, blong duo-yap go wengkabui lemoy genang sogo sedue, ngge kalik se suing: “Nemot go wali ngengam-yakay, ibe naklay nogo nemot go sui suey dato so se! Ngga sogo so, wengkabui so lemoy go ku nogo, blong duo-yap logo, nggano, dia idi sogo sedue kabung logo, nemot nogo ta ya kua pegat. Nemot sogo piam ya kua pu. Nggano, maso go ta ba sono go, keda sogo nemot ya kua kenong.

\s Nuik: Wali nebut ngunguok genang tamot

\r 1 Timotius 3:8-13.

\p

\v 8 Nggano, Ki Wali Iram go nebut so ngunguok go tamot, wengkabui dali kalik, don ey suey so se suing dali. Bu don ey go kua drop! Nggano, duoy nogo dabui kua iti!

\v 9 Nemotnang naklay, dabui klaut no, suey so, Iram Yesus go wali tap. Ki Wali Iram lo taling gono se keng!

\v 10 Wali kebalu ta maning kua mlak gono, nemotnang senong genang sogo, nemu banim no se luik. Nemotnang go kuklue kua ikum go sogo so, wali kebalu semu genang sogo, nemot se pu.

\v 11 Nemotnang go senunnang, senong blong dali ey se! Sedue kabung meno nogo nebut paising-paising sogo kua pu! Kunala don ey se suing! Nebut-nebut wamoy mlue nogo keda so kua yang! Nggano, keda sogo ya kua kenong. Nemotnang go kunala-kunala ngganemot no ikum gono, ibe logo mea pu: “Nemot seni so, kabung suey go!”

\v 12 Nggano, Ki Wali Iram go nebut so ngunguok go sedue, senun klaya seguong se! Nggano, nemot go yap tenglam, duo-kabung, suey so se taling.

\v 13 Yang! Blong duo yap ba no suey so keballi sesemu go sedue ba nogo wali nebut go seni kangok dega. Ngga so, nemot nogo sedue kabung meno logo ta suey-suey so yakay ey mea kong dali. Nggano, nemot Ki Wali Iram go sui nogo don tra go, nemot nogo don kangok so mea iti dali. Seni so, Nemot don kangok gemang!

\s Nuik: Ki Wali Iram go tap go seni.

\r 1 Timotius 3:14-16.

\p

\v 14 Yang! Nebut mang naklay ngge, motnang nogo so gabe kiklik. Genam lo duing go: “Genam motnang nemu guoy genang sogo keda so mea weng!”

\v 15 Nago no, genam keda so kua weng go, motnang se senon: “Sogo kalik so, imotnang Ki Wali Iram go blung sogo klay go nogo ya koklong? Seni so, Ki Wali blung so lemoy genang. Nemotnang lo, Nemot go keballi-keballi ta mlak genang. Nemotnang lo wali ngganemot no waysagi ey suing genang sogo.

\v 16 No, seni so, imotnang go, iway so lek go, dewi so pupu go kangok dega seni gabe. . Seni so!

\q1 Nemot sedue kabung kalik dali kukunan blo nogo mo li

\q2 Wali Newet lo Nemot mo taling.

\q2 Wali tamot lo nemot gemang ikum

\q1 Nemot go nebut saula-saula nogo gemang pepen klong

\q2 Kukunan logo Nemot no kekeng

\q2 Nggano, nemot wali yakena sono mo klak